

四部叢刊三編史部

罪惟錄

六

傳卷十二至卷十三

罪惟錄傳卷之十二上

致命諸臣列傳總論

觀太祖之葬元福壽而祠余闕也。為之頌首稽上者數周。
封微箕。未比干。初非次於原者。漢斬丁公。後世高其義。獨
代死紀信。不聞厚卹。明於勝國。猶急賞其大節。則於諸啓
運殉義。寧復奏報。蓋以教後世。之為人臣者。切矣。明殉義
于讓皇烈皇。兩朝最盛。古無有埒。凡粹然死。因所屬而
死。因緣所事而死。非有必死之意。乃不肯生之義。俱曰適
然。不錄。非不錄也。所以嚴錄之者也。其若諫而死者。意在
諫也。不以死例。凡死國死職死事。死志其所遇不同。而致

身則一負重望持絕續片天爭命是為死運蓋有闕正聞
者。另。格。在。抗。運。傳。中。至。於。國。亡。身。亡。君。亡。與。亡。不。成。國。
不。成。君。而。以。與。偕。亡。得。附。國。亡。與。亡。君。亡。與。亡。之。例。曰。死。
國。受。官。不。欲。曠。其。官。即。不。受。官。務。官。之。事。不。去。曰。死。職。曰。
死。事。匹。夫。婦。無。死。之。責。與。夫。讀。書。庠。序。未。嘗。受。祿。可。以。無。
必。死。之。名。而。必。請。其。志。曰。死。志。吾。以。降。死。運。者。一。等。歷。朝。
無。遺。卹。但。有。疑。卹。提。之。褒。忠。之。義。大。昭。嗚。呼。毅。廟。蓋。以。身。
教。也。夫。

致命諸臣傳上

張天祐郭元帥

泉世傑趙忠劉成崇茅成

張天祐濠州人。姊為滁陽王夫人。有才力。用事行間。每與太祖光浚。宋林兇來招。諸將謂天祐曰。公自度能以此衆獨當元不敗乎。否。姑就之。遂與郭公子等往。以其都元帥。左右副元帥命歸。送渡江。至正乙未。破元集慶路。降將也。先中叛。與元御史大夫福壽拒戰。秦淮敗績。都元帥郭甲。右副元帥天祐陳強。

泉世傑。巢縣人。元至正戊戌。同俞廷玉廖永忠等以水軍來濟時屯黃墩。同黨趙普勝中叛。謀不利。太祖世傑洩其

計於華高。以聞太祖。恐諸部意解。詭言取兵和陽。合攻海牙。寔以兵勢壓巢湖軍。得歸。普勝走依天完。世傑從渡江。歷功判行樞密院事。戰周江陰之屯。牌陷陣死。追封永義侯。配享太廟。肖像功臣廟。子敬以父蔭都督僉事。從征洪武二十一年。歷功封徽先伯。弘光初。追謚世傑忠烈。

趙忠從渡江。取太平。大破海牙兵於江口。隨克集慶路。太祖定都。以太平為股肱郡。命忠為興國翼元帥。守之未幾。擢興國分院判。從克池州。得糧幾萬石。陞樞密院判。鎮池州。至正戊戌。漢趙普勝自懷陽來寇。忠戰歿於陳。養子王鼎襲職。

劉成、靈壁人。從太祖立功。由百夫長陞總管。同耿炳文等克長興。以副元帥協守。寇不敢犯者四年。至正辛丑。周以十萬衆來侵。嬰城固守。成開西門擊敗之。擒其將宋元帥等。追至東門。敵反。兵力戰。援不繼。陳瑄副將李崇亦戰死。詔贈成懷遠大將軍。立廟長興。歲祀之。

茅成、定遠人。從和陽。隸常將軍麾下。克太平。授萬戶。定常州。寧國。陞總管。克湖州。陞副元帥。守金華。改太平興國翼元帥。從克安慶。援安豐。戰鄱陽。克武昌。遷武德衛正千戶。陞指揮副使。取贛州。安陸。襄陽。泰州。皆有功。調征浙西。克舊館。至正乙巳。圍平江。戰死。贈鎮國上將軍。僉大都督府。

事護軍東海郡公弘光中進謚武烈

論曰世傑忠成三人為滁陽故舊成蒙贈卹若天祐郭
元帥更密迎最難死後絕無所聞豈猶以滁陽王之故
歟後既追王滁陽為立祠以二死侑享焉無不可

胡溪

胡深字仲淵，浙龍泉人。穎拔有智畧。涉獵子史百家。及天官術數之書。父鈺仕元行省員外郎。深或談兵甚奇。父警之曰：「和雖撥亂智在識主。及父使高麗歸卒奉喪南還。元末兵亂。嘆曰：『浙水東地氣盡白。禍將及矣。』」結鄉里自固。石抹宜孫辟參軍事。募兵自日。得數千人。引屯竹口。會温州韓虎等殺主帥據城叛。深請身往諭之。軍民服深長者。伏地泣曰：「吾屬氣不靜。一聞至此。正無處乞生。遂以城降。時龍泉盜賊深師王毅以師執害毅者窮其穴。移攻遂昌賊守者出戰。深望見焚曰：『不聖壁乃求敗。』以正陣接戰。奇兵

夾擊之。別遣遊兵搗其伏。賊大敗。生擒八百人。太祖既下
 婺衢。獨處州不附。時深守龍泉。上遣已降葉琛諭深禍福。
 琛奉處下邑四來歸。太祖素聞深。擢左司員外郎。深語參
 政胡大海曰。處無聞志。內尋干戈。亟擊勿失。大海遂與耿
 再成合進。敗石抹宜孫。處州下。還集舊部。從平江西。守吉
 安。尋總制處州軍民事。請寬鹽稅二十取一。商販大集。以
 沒入庄田代租。軍興足而民不苦。諸全守將謝再興叛。誘
 周兵犯東陽。深引兵合援。走之。深曰。諸全浙東屏障。今失
 險。請急築新城。五指山下守之。旬日而成。無何。周將李伯
 昇大舉入寇。城堅。不可拔。敗去。太祖以為深功。賜之名馬。

温州方明善取平陽。出偏師復之。并復瑞安侵地。遂攻温州。方國珍懼。請納歲幣。乃還師。太祖即吳王位。與朱亮祖合攻閩。取浦城。崇安。建陽。元陳有定帥銳卒。送我師。深以氣急。未即戰。朱亮祖迫之。破其二柵。敵悉銳圍深數重。日暮。深率精騎突出。伏起。馬蹶。見執。有定憫不敢害。深諭錢鏐故事。詞義侃侃。會元使至。督促。乃見。赦。追封縉雲郡伯。深知識絕倫。藝術無不精曉。個儻好施。予取衆一以寬厚。用兵十餘年。未嘗妄戮一人。上常與宋濂議。胡深文武才。浙東一障。比伐閩。日中有一黑子。劉太史監。奏東南必失一大將。亟使諭之。深已被害。弘光中。追謚褒節。

論曰。縉雲之學。彷彿誠意。獨誠意不與明對仗。偶然耳。
誠意果獲。逆帖里之請。亦豈不以一矢遺亡元者。顧觀。
天最早遠。過縉雲而深。父鉉智在識。主一語。則已不後。
青田鉉在當無參軍石拂之事矣。

張德勝

汪興祖表
義朱顯忠

宋國興

妻曹氏

張德勝字仁甫合肥人。才畧豪邁。沉毅剛決。元末結寨巢

湖。與同事俞廷玉等。以舟師來歸。時德勝弟後賜義為趙

普勝所留。不得從。德勝以萬戶渡江。取太平。擒陳也先。擢

管軍總管。復擊破方山。從取集慶。克鎮江。陞秦淮翼元帥。

從下常州。宣州。再陞僉樞密院事。從下宜興。天完普勝陷

池州。進擊敗之。柵江口。渡池州。統畧太湖。至馬迹山。降周

將王貴。復從取安慶。夜襲普勝浮山砦。追斬偽參政郭太

于沙河。漢友諒犯龍江。伏兵大敗之。降其將張志雄等。追

至采石。殲於陣。贈祭國公。諡忠毅。侑享太廟。子宣。幼養子

同嗣職及宣長上命宣嗣為中軍都督僉事坐累降神策衛指揮同知以廬州衛世襲弟素義初隸雙刀趙勝即普及趙元來歸積功陞僉典武衛指揮事北征山陝皆有勞陞典元衛同知洪武五年統兵下海征倭十四年從征河南有功明年鎮楚雄力禦酋遁加楚雄衛指揮入朝上惜其老命太醫院為染其鬚髻俾回撫治以威遠人陞右軍都督僉事卒子聚襲指揮使先是養子同復姓名為汪興祖業人嗣職後從搖漢安慶克江州進拔蘄州從取南昌敗張士誠之兵於安豐鄱陽之戰興祖等六人深入搏戰擢湖廣行省參政武昌平還攻廬州克之陞督府副使克

淮東平吳陞同知督府從大將軍北征取山東州縣行聖公
希學等謁軍門興祖禮遇之洪武元年立皇太子兼領右
帥府事從克汴梁遂濟寧取元都狗永平下山西收大同
即命為守禦克武朔為晉王府武傅兼山西行督府食事
三年封東勝侯弗與詰卷令自劾圖寔封從將軍友德克
階文蜀平章丁世貞據險距我興祖躍馬直前中飛石死
時文州淩陷守將朱顯忠死之以興祖歿王事授原封侯
爵世養子幼以所賜田五頃令與宣同居顯忠亦預卹典
弘光中追贈勝國公諡武愍

宋國興定遠人從渡江每戰跳盪先登歷功授總管洪武

元年太祖戰陳桂先南夢兵却國興年十八請出關太祖壯其氣解白龍袍衣之與常遇春馳突敵陣敵誤袍以為太祖攢梁介之被執見執贈西寧侯國興妻曹聞之亦赴并死弟晟嗣侯晟子瑄弘光中追贈如父侯謚果節

論曰張合肥宋定遠此從龍最先戰破者也德勝有弟有子國興有妻皆足以傳不負張與宋

花雲

妻卻氏侍見孫氏朱文遜

耿再成

朱文剛

花雲懷遠人少孤從母嫁張氏貌偉幹而鰲黑驍勇絕元至正癸巳仗劍謁臨濠太祖奇其才所至輒克破懷遠城圍其帥以歸拔全椒夜襲繆家寨會取滁州雲獨從太祖先諸隊猝遇賊數千雲舉銳翼太祖疾萊馬貫陣走衆警曰何來黑鴈勇莫當甲午從取和陽授句容從渡江克太平充宿衛下集慶陞總管狗鎮江諸縣過馬駁沙剽盜數百遮道雲行且聞三日夜皆擒殺之圖常州拔之拜太平樞密院判克常熟獲卒萬餘從攻寧國先登庾子漢友諒既破安慶以升師圍太平急雲以安遠大將軍守太平城